

quidem aliquid demere, addere aliquid, multo minus mutare, quae mutanda nobis videri forte potuissent, (religioni adeo nobis duximus, vt ne adnotationibus quidem, quas §is subiicere animo primum constitueramus, lectorum meditationem, veritatibus ab Auctore propositis intentam, interpellare voluerimus.

IPSE autem b. AVCTOR, qui non tam suae, quam potius veritatis militabat gloriae; sicuti numquam tribuere sibi nimium s̄uevit, ne in disciplinis quidem, quarum felix fuit instaurator atque amplificator maxime strenuus; modeste admodum sensit de suis in Theologiam moralem meritis. Nouit enim, Theologiam moralem theologicarum disciplinarum omnium fere difficillimam: eamque inter omnes minime esse satis excultam, ipse est professus. De eo praesertim iam olim conquestus fuit, quod in tanta systematum, Philosophiam moralem tradentium, multitudine exsta-